



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITE YA 12

SESOTHO PUO YA LAPENG (HL)

PAMPIRI YA BORARO (P3)

PUDUNGWANA 2014

MEMORANDAMO

MATSHWAO: 100

Pampiri ena e na le maqephe a 14.

KAROLO YA A: MOQOQO

Ditaelo ho motshwayi:

- Mohlahlobuwa o lokela ho ngola ka seholohoo se le SENG FEELA karolong ya A, mme a ngole ka diholohoo tse PEDI karolong ya B.
- Karolo ka nngwe e na le ruburiki ya yona.
- Sebedisa diruburiki tseo o di fuweng bakeng sa ho tshwaya tema ka nngwe.
- Mohlahlobuwa a etse moralo bakeng sa tema ya hae.
- Ha mohlalobuwa a **tswile lekoteng** nehelanong, etsa tsena tse latelang:
 - Mohlahlobuwa a abelwe matshwao bakeng sa dikahare ho fellatong ya pele feela.
 - Mohlahlobuwa a abelwe matshwao bakeng sa tshebediso ya puo ho fellatong ya pele feela.
 - Mohlahlobuwa a abelwe matshwao bakeng sa sebopetho ho fellatong ya pele feela.

Tataiso bakeng sa ho tshwaya moqoqo:

Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang:

- / bakeng sa ho arola mantswe a ngotsweng a kopantswe empa a lokela ho arolwa;
- , + bakeng sa ho kopanya mantswe a arhantsweng empa a ngolwa a kopane;
- mn** bakeng sa mongolo (*orthography*) o fosahetseng;
- mp** bakeng sa mopeleto o fosahetseng;
- mt** bakeng sa tshebediso ya matshwao a puo a fosahetseng kapa moo ho hlokehang letshwao la puo;
- p** bakeng sa puo e sa sebediswang ka nepo kapa ka tshwanelo/tlwaelo;
- ^ bakeng sa lentswe kapa karolwana ya lentswe e siilweng dipakeng tsa mantswe a mang;
- // bakeng sa ho arola diratswana.

KAROLO YA A: MOQOQO**POTSO 1**

1.1 *Wa tla wa ba motle mokete wa kabo ya dikgau!: Moqoqo wa phetelo/o hhalosang.*

- Moqoqong ona mohlahlobuwa o pheta taba e sehloohong ka tsela e kgodisang e bileng e hlakisa ditaba hantle.
- Ditaba tsa hae di lokela ho ba ketane ya diketsahalo, mme e be diketsahalo tse kgolwehang leha di theilwe hodima kgopolotaba.
- Moqoqo ona o hhalosa diketsahalo tsa boiqapelo, empa tse kgolwehang.
- Temana ya selelekela e lokela ho hohela thahasello ya mmadi.
- Boholo ba ditaba tsa moqoqo ona di atisa ho ngolwa ho lekgathe lefetile le lephethi.
- Qetello e sa tlwaeleheng, e kgahlisang e phethela ha monate.
- Dikahare tse lebelletsweng e ka ba tsena tse latelang:
 - a hhalose sebaka moo mokete o neng o tshwaretswe teng;
 - a bue ka nako eo ketsahalo ena e neng e etsahala ka yona;
 - a hhalose tsamaiso ya ditaba tsa mohla letsatsi leo;
 - a bolele hore yena kapa motho e mong o ile a fumantshwa kgau ya mofuta ofe;
 - a hhalose maikutlo ao a ileng a ba le wona ha a ne a fumana kgau eo, kapa a bohile ha e mong a fumana kgau;
 - a ka bua ka mokete wa dikgau oo a neng a o bohile thelevesheneng kapa kae feela;
 - a ka bua ka batho bao a ba boneng ba abelwa dikgau;
 - a ka bua ka hore kgau ka nngwe e ne e le ya eng;
 - a ka bua ka mokete wa ditumediso/dikapeso o akgang kabo ya dikgau tse kang disetifikeiti, mehope le dimpho ka kakaretso.

[Motshwayi a tataiswa ke moralo wa mohlahlobuwa].

[50]

1.2 *Mathata a bakwang ke ho ba hole ha dikolo tseo bana ba kenang ho tsona: Moqoqo o hhalosang*

- Moqoqo ona o hhalosa diketsahalo tsa nnete tse amang sehlooho.
- Mohlahlobuwa a ngole ditaba tsa hae jwalo ka ha eka o ne a le teng, mme o a di tseba.
- Dikahare tse lebelletsweng e ka ba tsena tse latelang:
Mohlahlobuwa a ka hhalosa mathata a bakwang ke ho dula hole le sekolo seo a kenang ho sona:
 - ho tshwarwa ke dikebekwa, dipeto, dipolao ho tswa sekolo pele ho nako;
 - a ka hhalosa mathata a ka bakwang ke ho tsamaya tsela e telele e etsang hore a fihle sekolong ka mora nako, a bile a kgathetse, le ho kgutlela lapeng letsatsi le se le diketse.
 - a ka hhalosa mathata a bakwang ke dipalangwang tseo ba di palamang ha ba ya sekolong;
 - a ka hhalosa mathata a bakwang ke maemo a mpefetseng a lehodimo a kang dipula, motjheso, mohatsela jj;

- a ka hhalosa mokgwa oo bana ba iphumanang ba wetse marabeng a ho sebedisetswa merero e mebe e kang ho qhekanyetswa (mohl: marato a fosahetseng, tshebediso ya dithethefatsi le tse ding)
- a ka hhalosa mathata a ka bang teng ha bana ba dula hole le malapeng moo ba sa kgalemelwang ke batswadi (a kang ho iphumana ba se ba ithwetse, ba kene bonokwaneng, ba itaola, ba se ba kula, ba inyadisa jj).

[Motshwayi a tataiswa ke moralo wa mohlahlobuwa].

[50]

1.3 Setumo le leruo la tjhelete di ka ba le ditlamorao tse ntle le tse mpe bophelong ba motho: Moqoqo o sa tshehetseng lehlakore

- Mofuteng ona wa moqoqo mohlahlobuwa o sekaseka sehlooho, e be o nehelana ka dintlha tse tshehetsang le tse hanyetsanang le sona.
- Moqoqo ona ha o nke lehlakore, mme sepheo sa wona ke ho nehelana ka maikutlo mahlakoreng ka bobedi a sehlooho.
- Dintlha tse tshehetsang le tse hanyetsanang di lokela ho lekalekana kapa di batle di lekana, ho se lehlakore le phahamiswang ho feta le leng.
- **Dikahare tse lebelletsweng e ka ba tsena tse latelang:**
 - mohlahlobuwa o lokela ho ba le kutlwiso ya hore ebe motho ya tummeng ke ya jwang, mme a hhalose;
 - a ka bua ka mesebetsi kapa diketso tse ka fang motho setumo, mme e ka ba tse ntle kapa tse mpe;
 - **diketso tse ntle:** a ka bua ka ketso tse ntle tse ka etswang ke motho ya tummeng tse jwalo ka: ho kenya letsoho ntshetsopeleng ya setjhaba ka kakaretso,
 - ho etsa mesebetsi e kgahlisang, ebile e bontsha ho tsotella ba bang ntle le tefo, ka boitelo;
 - bokgoni ba ho amohela mefokolo ya ba bang;
 - **diketso tse mpe tseo a ka di etsang:** a ka boela a bua ka diketso tse mpe tse kang:
 - tsa ho kgella batho ba bang tlase;
 - ho inahanel a le mong;
 - ho sa tsotelle maikutlo a batho ba bang;
 - ho nkela batho ding tsa bona ka bonokwane;
 - ho bolaya kapa ho beta batho;
 - tshebediso e mpe ya dithethefatsi;
 - ho hweba ka bana hore e be makgoba;
 - ho ba moetapele wa lemulpwana la dinokwane.
 - diretlo bakeng sa ho itiisa
 - **diketso tse mpe tseo a ka di etswang:**
 - Ho senyetswa ke setjhaba
 - Ho ba tlasa kgatello/tshusumetso

[Mohopolo wa sehlooho: Motshwayi a tataiswa ke moralo wa mohlahlobuwa].

[50]

**1.4 Seo ke ratang ho ithutela sona ha nka fuwa monyetla wa ho ya yunivesithing:
Moqoqo o tebisang maikutlo**

ona ke moqoqo wa boimamelo, oo ho ona mongodi a hlahisang maikutlo a hae hodima sehlooho, a se nahantisika botebo.

- mongodi o nahana ka ntlha e sehloohong ebe o fana ka maikutlo le mehopolo ya hae.
- mehopolo/menahano/maikutlo a hlahiswang a lokela ho bontsha ho ba le seabo ha mongodi.
- **Dikahare tse lebelletsweng e ka ba tsena tse latelang:**
 - dithuto tseo a di etsang;
 - seo a lokelang ho se etsa ho nnetefatsa hore o tla atleha dithutong;
 - kamoo a sebeditseng kateng ditlhahlobong tsa mahareng a selemo;
 - dithahasello le ditabatabelo tsa hae bophelong;
 - a ka bua ka makala a thuto ao a batlang ho a latela le menyetla e ka tliswang ke ona;
 - a ka bua ka mabaka a bakang hore a batle ho ithutela lekala le itseng; a ka bua ka ditsha tsa thuto moo makala/lekala lena le ka fumanwang teng.

[Motshwayi a tataiswa ke moralo wa mohlallobuwa].

[50]

1.5 Thelevishene e na le tshusumetso e ntle batjheng. Moqoqo wa kgang

- Moqoqo ona ke wa kgang. Mohlallobuwa o kgetha lehlakore, mme o tsepama dintlheng tse dumellanang kapa tse hanyetsanang le sehlooho, ho ka moo a kgethileng kateng.
- Mohlallobuwa a hlahise ntlhakemo ya hae, mme a e tshehetse ka mabaka a utlwahalang;
- Ntlhakemo ya mohlallobuwa e lokela ho hlaka ka nako tsohle.
- Disebediswa tsa bonono tse fapaneng le mawa a tshusumetso di lokela ho sebediswa.
- **Dikahare tse lebelletsweng e ka ba tsena tse latelang:**

Dintle

- ho behwa leseding ka ditaba tse fapaneng tsa naha le tsa matjhabeng
- mefuta ya ditshwantsho tse fanang ka thuto (SABC: Heartlines, Soul City le tse ding);
- thuto e ka fumanwang ditshwantshong;
- kgohelo ya maikutlo e ka bakang hore mohlallobuwa a lakatse ho ba sebapadi sa ditshwantsho;
- kgohelo ya maikutlo e ka bakang hore mohlallobuwa a lakatse ho ba mongodi wa ditshwantsho;
- thuto e fumanwang mananeong a dithuto a kang Takalani Sesame, Bonisanani, Siyayinqoba, Matric Uploaded, Open Varsity le a mang.
- thuto e fumanwang dipapatsong tse fapaneng bakeng sa ho ithuta mokgwa wa ho bapatsa;
- botle bofe kapa bofe boo mohlallobuwa a bo bonang thelevesheneng, mme a tshehetse ka mabaka a utlwahalang.

Dimpe

- mefuta ya ditshwantsho tse ka bang le kgahlamelo e mpe batjheng (SABC: Yizo-Yizo, Zone 14 le tse ding);
- tshitiso dithutong e bakwang ke ho hloka nako ya ho etsa mosebetsi wa sekolo nakong eo ba bohileng thelevishene;
- ho ithuta ditaba tse amanang le thobalano ba sa le banyane dilemong ka ho shebella ditshwantsho tse hlahisang le ho bua ka thobalano (Immanuel) kapa tsa batho ba tsotseng;
- tshebediso ya puo e hlohlontshang ditsebe;
- mananeo a ka bang le kgahlamelo e mpe a kang Cheaters le mananeo a boloi le dikanaleng tsa mmino tse kang Channel O le a mang.

[Motshwayi a tataiswa ke moralo wa mohlahlobuwa].

[50]

1.6 **Setshwantsho: Moqoqo wa mofuta ofe kapa ofe.**

Moqoqong ona mohlahlobuwa o boha setshwantsho, mme a hhalose kapa a phete ka seo a se bonang ka tsela e kgodisang e bileng e hlakisa ditaba hantle. Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

1.6.1 • **Dikahare tse lebelletsweng e ka ba tsena tse latelang:**

- mohlahlobuwa a ka bua ka mesebetsi ya merafong/ya batho ba ahang matlo/batho ba sebetsang ha mmasepala/ba sebetsang Telkom/Eskom mme a bolele hore baetapele ba bona ba ba fa ditaelo pele ba kena kgabong;
- a ka bua ka dikopano moo basebetsi ba ntshang ditletlebo tsa bona;
- a ka bua ka nako ya pele le ya ka mora mosebetsi moo basebetsi ba hhalosang tsa tshebetso ya bona ya letsatsi leo;
- a ka hhalosa mathata ao basebetsi ba teanang le ona mesebetsing ena, a mabapi le maemo le tshireletso eo basebetsi ba e hlokang mosebetsing;
- a ka bua ka bomme maemong/ditulong tsa boetapele mesebetsing e neng e etswa ke bontate feela mehleng ya kgale.

[50]

[Motshwayi a tataiswa ke moralo wa mohlahlobuwa].

1.6.2 **Setshwantsho: Moqoqo wa mofuta ofe kapa ofe.**

Moqoqong ona mohlahlobuwa o boha setshwantsho, mme a hhalose kapa a phete ka seo a se bonang ka tsela e kgodisang e bileng e hlakisa ditaba hantle. Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

• Dikahare tse lebelletsweng e ka ba tsena tse latelang:

- mohlahlobuwa a ka bua ka dibini tseo a di tsebang le ka mofuta wa mmino oo a o tsebang;
- a ka bua ka mefuta e fapaneng ya diletswa tsa mmino;
- a ka bua ka mekete e fapaneng ya mmino e tshwarwang

- 1.6.2 - ya mmino e tshwarwang sebakeng seo a phelang ho sona;
 - a ka bua ka botle le bobe ba ho ba sebini;
 - a ka bua ka kamoo a batlang ho ba sebini kateng;
 - a ka bua ka ho latela mmino e le lekala la thuto.

[Motshwayi a tataiswa ke moralo wa mohlahlobuwa].

[50]

- 1.6.3 **Setshwantsho: Moqoqo wa mofuta ofe kapa ofe.**

Moqoqong ona mohlahlobuwa o boha setshwantsho, mme a hlahose kapa a phete ka seo a se bonang ka tsela e kgodisang e bileng e hlakisa ditaba hantle. Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

• Dikahare tse lebelletsweng e ka ba tsena tse latelang:

- mohlahlobuwa a ka bua ka dihlahiswa tse ka etswang ka jwang tse kang ditulo, ditafole, dikatiba, meseme, mafielo le tse ding tsa ngata;
- a hlahose kamoo jwang bo ka sebediswang bakeng sa ho rulela matlo;
- a bue ka mesebetsi ya jwang ka kakaretso e kang ya ho etsa furu ya diphoofolo;
- a bue ka mekgwa eo jwang bo ka thibelang kgoholeho ya mobu kateng;
- a bolele le hore ha bo se bo omme bo ka baka ho tjha ha hlahka mokgwa o jwang.
- a ka bua ka ho hloka mesebetsi mme a bontshe kamoo motho a ka iketsetsang mosebetsi ka matsoho a hae kateng;
- a ka bua ka bokgoni ba bomme/batho ba ho etsa dihlahiswa tsa matsoho;
- a ka bua ka ntlatfatsa ya moruo wa naha/seabo sa bomme moruong le kgohedi ya bohahlaudi.

[Motshwayi a tataiswa ke moralo wa mohlahlobuwa].

[50]

MATSHWAO OHLE A KAROLO YA A:

50

ELA HLOKO:

- Sebedisa ruburiki ena ka nako tsohle ha o lekanyetsa meqoqo (Pampiri ya 3, KAROLO YA A).
- Matshwao a 0–50 a arotswe ho ya ka dikgato tse 5 tsa ditlhaloso tsa phihlello.
- Lekgetheng la Dikahare, Puo le Setaele, tlhaloso e nngwe le e nngwe ya phihlello e arotswe habedi ho hlahisa boemo bo hodimo le boemo bo tlase; boemo bo bong le bo bong bo na le tlhaloso ya bona.
- Lekgetha la Sebopheho lona ha le a arolwa ka bokgoni bo nang le boemo bo hodimo le bo tlase.

KAROLO YA A: RUBURIKI YA HO LEKANYETSA MOQOQO – (MATSHWAO A 50)
SESOCHO PUO YA LAPENG (HL) - SLKT

Makgetha a ho lekanyetsa		5. Phihlello e babatsehang	4. Phihlello e supang bokgoni	3. Phihlello e mahareng	2. Phihlello ya motheo feela	1. Phihlello e haellang
DIKAHARE LE MORALO Tshekatsheko ya sehlooho: tlhophiso ya mehopolo le dinthla, kelohloko ya baamohedi ba ditaba, maikemisetso le maemo	Boemo bo hodimo	28-30	22-24	16-18	10-12	4-6
		- nehelano e bontshang kuthwiso e babatsehang ya sehlooho e supang bokgoni bo ikethang; - mehopolo e bontsha boqhetseke, e phepetsa monahano mme ke e sutsitseng; - e hlophisisitswe hantle ka tsela e ikethang/babatsehang mme e momahane ka tshwanelo ho kenyeditswe selelekela, mmele le qetelo	- nehelano e ralehileng hantle haholo; - mehopolo e tsamaellana le sehlooho ka bottalo, e a kgahlisa mme e na le bopaki ba mehopolo e sutsitseng; - o hlophisisitswe hantle haholo ka tsela e ikethang mme o momahane ka tshwanelo ho kenyeditswe selelekela, mmele le qetelo	- nehelano ke e kgotsofatsang dithlokeho; - mehopolo e momahane ka tsela e kgotsofatsang le e kgodisang; - o hlophisisitswe ka tsela e utlwisisehang mme o momahane ka tshwanelo ho kenyeditswe selelekela, mmele le qetelo	- nehelano e momahane mona le mane; - mehopolo ke e seng ya boiqapeloo mme e sa hlakang; - ho na le bopaki bo seng bokae ba tlhophiso le momahano ya nehelano	- nehelano e tswile lekoteng ho hang; - mehopolo ke e sa tsepamang e dubakaneng; - ha e utlwahale mme dinthla di a phetakakwa; - ha e a hlophiswa ka tshwanelo le momahano ha e yo.
Matshwao a: 30	Boemo bo tlase	25-27	19-21	13-15	7-8	0-3
PUO, SETAELE LE TOKISO YA DIPHOSO Sehalo, rejisetara, setaele, tlottontswa ke tse lokelang sepheo/tshusumetslo le maemo; Kgetho ya mantswae Tshebediso ya puo le tlwaelo, matshwao a ho bala le mopeleto	Boemo bo hodimo	14-15	11-12	8-9	5-6	0-3
		- sehalo, rejisetara, setaele le tlottontswa le di loketse sepho ka tsela e babatsehang, baamohedi ba ditaba mmoho le maemo haholo; - tshebediso ya hae ya puo e a ikgetha, mme e bontsha boitshepo ka tsela e tsotehang - o sebedisitse sehalo se matla mme se susumetsang ka tsela e ikethang - o batla o hloka diphosoo tsa puo le tsa mopeleto; - o radilwe ka bokgoni bo tsotehang.	- sehalo, rejisetara, setaele le tlottontswa le di loketse sepho, baamohedi ba ditaba mmoho le maemo; - tshebediso ya puo ke e matla mme se bedisitswe sehalo se loketseng ka nako tsohle; - boholo ba mosebetsi ha o na diphosoo tsa tshebediso ya puo le mopeleto; - o radilwe hantle ka tshwanelo	- sehalo, rejisetara, setaele le tlottontswa di loketse sepho, baamohedi ba ditaba mmoho le maemo; - tshebediso ya puo ke e loketseng, mme e felisa moelego ka tshwanelo; - puo ya bonono ke e loketseng mme e sebedisitswe ka tshwanelo; - sehalo se sebedisitswe ka tshwanelo; - o radilwe ka tsela e mahareng feela	- sehalo, rejisetara, setaele le tlottontswa ha di di lokela sepho, baamohedi ba ditaba mmoho le maemo; - tshebediso ya puo ke e loketseng, mme e felisa moelego ka tshwanelo; - puo e sebedisitswe feela ka tsela ya motheo; - sehalo mmoho le moelego o hlahiswang ke tema ke tse sa lokelang - ho sebedisitswe tlottontswa ya motheo feela.	- puo e sebedisitsweng ha se e utlwisisehang; - sehalo, rejisetara, setaele le tlottontswa ha di a lokela baamohedi ba ditaba, sepho le maemo; - tshebediso ya tlottontswa e haellang haholo hoo nehelano e sa utlwisisehang;
Matshwao a: 15	Boemo bo tlase	13	10	7	4	
		- tshebediso ya puo ke e nepahetseng mme e susumetsang sehalo sa tema - o batla o hloka diphosoo tsa puo le tsa mopeleto; - o radilwe ka bokgoni bo tsotehang;	- tshebediso ya puo ke e sefutho mme e loketseng maemo; - sehalo ke se matla mme se loketseng; - ho na le diphosoo tse seng kae tsa puo le tsa mopeleto; - o radilwe hantle;	- tshebediso ya puo ke e kgotsofatsang le ha ho na le ho sa tsamaelana mona le mane; - kakaretso sehalo ke se loketseng le ha puo ya bonono e le e haellang;	- puo ke ya motheo feela mme e sebedisitswe ka tsela e haellang; - popeho ya dipolelo ke e tshwanang e se nang motswako; - tlottontswa e haella haholo feela.	
SEBOPHEHO Makgetha a tema: popeho ya dipolelo le kgodiso ya diratswana le bolele bo hlokeheng.		5	4	3	2	0-1
Matshwao a: 5		- kgodiso ya sehlooho ke e babatsehang; - katoloso ya dinthla ke e ikethang; - dipolelo le diratswana di bopilwe ka tsela e ikethang.	- dinthla ke tse loketseng mme tse hodisang sehlooho; - momahano e bopilwe ke e supang bokgoni; - dipolelo le diratswana di bopilwe ka tsela e mahareng; - fapafapanngwa ka tshwanelo;	- dinthla tse loketseng di hodisa sehlooho ka tsela e mahareng; - dipolelo le diratswana di bopilwe ka tsela e mahareng; - moqoqo o ntse o hlahisa moelego;	- tse ding tsa dinthla ke tse utlwahalang; - dipolelo le diratswana di bopilwe ka tsela e mahareng; - moqoqo o a utlwisisha le ha o le diphosoo.	- dinthla tsa bohlokwa di a haella; - dipolelo le diratswana tse hlahisweng ke tse fosahetseng; - moqoqo ha o na moelego o lebeletseng.
MATSHWAO		45-30	33-40	23-30	13-20	0-10

SENOTLOLO SA HO TSHWAYA:

Makgetha a tekanyetso	Matshwao	Senotlolo
Dikahare le Moralo	30	DM =
Puo le Setaele le Tokiso ya diphoso	15	PST =
Sebopeho	05	Seb =
Matshwao ohle	50	

KAROLO YA B: DITEMA TSA KGOKAHANO**Ditaelo ho motshwayi:**

- Mohlahlobuwa o lokela ho ngola ka dihlooho tse PEDI karolong ena.
- Ha mohlahlobuwa a tswile lekoteng nehelanong etsa tsena tse latelang:
 - Mohlahlobuwa a abelwe matshwao bakeng sa dikahare ho fella kgatong ya pele feela.
 - Mohlahlobuwa a abelwe matshwao bakeng sa tshebediso ya puo ho fella kgatong ya pele feela.
 - Mohlahlobuwa a abelwe matshwao bakeng sa sebopeho ho fella kgatong ya pele feela.
 - Mohlahlobuwa a etse moralo bakeng sa ditema tsa hae.

Tataiso bakeng sa ho tshwaya tema e telele:

- Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang.

/ bakeng sa ho arola mantswe a ngotsweng a kopantswe empa a lokela ho arolwa;

—, + bakeng sa ho kopanya mantswe a arohantsweng empa a ngolwa a kopane;

mn bakeng sa mongolo (*orthography*) o fosahetseng;

mp bakeng sa mopeleto o fosahetseng;

mt bakeng sa tshebediso ya matshwao a puo a fosahetseng kapa moo ho hlokehang letshwao la puo;

p bakeng sa puo e sa sebediswang ka nepo kapa ka tshwanelo/tlwaelo;

^ bakeng sa lentswe kapa karolwana ya lentswe e siilweng dipakeng tsa mantswe a mang;

// bakeng sa ho arola diratswana

POTSO YA 2**2.1 Lengolo la semmuso la ttlebo
Sebopoho**

- Diaterese di pedi.
- Aterese ya mongodi wa lengolo e ngolwa ho tloha mahareng a leqephe ho leba ka letsohong le letona, e nto latelwa ke letsatsi, kgwedi le selemo, feela jwalo ka lengolo la setlwaedi.

ELA HLOKO: Tsela e nepahetseng ke ya hore aterese le letsatsi/mohla di lokela ho ngolwa di arohane. Ha mohlahlobuwa a ngotse aterese le letsatsi/mohla di kopane, ho se be le kotlo eo a e fuwang.

- Aterese ya ya ngollwang (moamohedi) e ngolwa ka letsohong le letshehadi. Aterese ya moamohedi e qalwa ka maemo a tshebetso a ya ngollwang.
- Tlaza aterese ke tumediso (monghadi, mofumahadi kapa mofumahatsana). Ha mohlahlobuwa a ngotse tumediso ka dikgutsufatso, e amohelwe.
- Tlaza tumediso ho ngolwa mola wa sehlooho – o totobatsang sepheo sa lengolo leo.

ELA HLOKO: Ha sehlooho se ngotswe ka ditlhaku tse nyane, se sehellwe mola. Ha se ngotswe ka ditlhaku tse kgolo se se ke sa sehellwa mola.

Ha mohlahlobuwa a ngotse sehlooho ka ditlhaku tse nyane empa a sa sehellwa mola, a se ke a fuwa kotlo.

- Ka mora mola wa sehlooho ho ngolwa seratswana sa selelekela (sa pele) seo e leng qaleho ya ditaba.
- Ditaba di ntshetswa pele diratswaneng tse latelang;
- Seratswana sa ho qetela se phethela ditaba tsa mongodi;
- Seratswana se seng le se seng ke se matlafatsang mahlakore a fapaneng a taba eo ho buuwang ka yona. Ho siuwe mola pakeng tsa diratswana.
- Qetelo le yona e be ya semmuso, mme e ka ngolwa tjena: ‘Ka botshepehi’ ‘Ka boikokobetso’ jj.
- Ya ngolang lengolo o lokela ho ngola lebitso la hae ka bottlalo ka mora qetelo, ebe o a saena ka mora lebitso leo.

Dikahare tse lebelletsweng e ka ba tsena tse latelang:

- sepheo seo lengolo le ngolwang ka sona – ho ttleba ho mosuwehlooho;
- a mo fe dikeletso tse mabapi le ditharollo tseo a ka bang le tsona maemong ana a ditaba.

[25]

**2.2 Puo
Sebopoho**

- Selelekela e be se hohelang mme mohlahlobuwa a fane ka mabaka a hore ke hobaneng ha a nehelana ka puo.
- A ele hloko mofuta wa moketjana oo a ilong ho nehelana ka puo ho wona.
- A ele hloko baamohedi ba ditaba - ke batho ba baholo, matitjhere le batjha.

- A hlophise le mokgwa oo a tlang ho nehelana ka puo ka wona.

Dikahare tse lebelletsweng e ka ba tsena tse latelang:

- mohlahlobuwa a ka qala pele ka ho leboha sebaka seo a se fuwang;
- a bue ka melemo eo ba e unneng ho mosuwehlooho;
- a bontshe kamoo ba tlo lahlehelwa kateng ha mosuwehlooho a se a le siyo;
- a lakaletse mosuwehlooho katleho le mahlohonolo bophelong ba hae ba phomolo.

[25]

2.3

Inthaviu

Sebopheho

- Inthaviu ke tema e hlophisitsweng e ngolwang ho hlahisa puisano e teng dipakeng tsa batho ba babedi kapa ho feta.
- Inthaviu e ngolwa ka mehla e le ho puosebui, empa matshwao a di-a-bulwa-di-a-kwalwa (“...”) ha a sebediswe puisanong eo. A ka sebediswa ha feela ho qotswa.
- Lebitso la sebui le ngolwa ka letsohong le letshehadi la leqephe le bile le latelwa ke letshwao la kgutlopedi.
- Polelo e nngwe le e nngwe e lokela ho ba karabelo ya polelo e sa tswa buuwa.
- Sehalo le puo tse sebediswang di tla itshetleha kamanong ya dibui le seo ho buuwang ka sona.

Dikahare tse lebelletsweng e ka ba tsena tse latelang:

- polelo ya sehlooho e lokela ho ngolwa qalong ya inthaviu
- ka mora polelo ya sehlooho ho latela selelekela pakeng tsa dibui moo mmotsi a botsang motsamaisi wa seteishene sa mapolesa ka katleho eo ba e fihleletseng tshebetsong ya bona;
- a hlahise maemo ao ho ona a fatisisang mmotsuwa ka ho mmotsa dipotso tse amanang le tshebetso ya bona ya ho tshwara dinokwane;
- a hlahise dikarabelo tsa mmotsuwa ka tsela e tobang potso ka ho otloloha;
- a ka qetella ka ho ngola teboho e etswang ke mmotsi .

[25]

2.4

Atikele e yang koranteng

Sebopheho:

Atikele ke mofuta wa tema ya kgokahano e tsamaisang tlhahisolededing.

- Sehlooho se matla se hohelang mahlo a mmadi.
- Lebitso la moqolotsi le sebaka moo atikele e ngoletsweng.
- E arolwa ka dikholumo.
- Ho ka siiwa mola pakeng tsa diratswana kapa seratswana sa qallwa harenanya.
- Ditaba di hlahiswa ka sebopheho sa **phiramite** e shebisitsweng tlase.
- Seratswana se lelekelang ke kgutsufatso ya ditaba tsa atikele.
- Ntlha ka nngwe e namiswa seratswaneng sa yona.
- Sehalo se hloke tshekamelo, ka ho se hlahise maikutlo a mongodi.
- Atikele e ngolwa e le sebophehong sa mmuuwa jk yena, bona, yona, tsona jj.
- Tshebediso ya mabitso a batho e eketsa bonnete ba ditaba tseo ho ngolwang ka tsona.

Dikahare tse lebelletsweng e ka ba tsena tse latelang:

- mohlahlobuwa o lokela ho bua ka se setle se entsweng ke sebini sena se kopantseng batjha ba sa keneng sekolo;
- a totobatse dintho tse mpe tseo a phemisitseng batjha ho tsona jwalo ka ho itahlela bonokwaneng le dithethefatsing;
- a totobatse melemo e tlang ho unwa ke batjha bana.

[25]

2.5 Nalane ya tsa bophelo ba mofu/Obitjhuary**Sebopoho**

Ena ke tema eo ho yona ho ngolwang ka ditaba tse amanang le mofu.

- Ke tema e ngolwang ka diratswana;
- Seratswana ka seng se bua ka mohopolo o itseng wa sehlooho o amang tsa bophelo ba mofu;
- E sebedisang lekgathe lefetile ebole ho sebediswa puopehelo;

ELA HLOKO: Ha mohlahlobuwa a ngotse obitjhuary eka ke yena ya ingollang yona, a fuwe kotlo dikahareng.

Dikahare tse lebelletsweng e ka ba tsena tse latelang:

- Mofu ke mang, wa ha mang;
- Tlhaho ya hae: sebaka moo a hlahetseng teng, letsatsi la tswalo le selemo;
- Tsa kgolo ya mofu: dithuto, mosebetsi le lenyalo (ebang di ameha);
- Tsa lefu la hae: letsatsi le mokgwa oo a hlokahetseng ka wona;
- Bao a ba siyang;
- Dithoko tsa seboko sa hae.

[25]

2.6 Tekolokakaretso**Sebopoho**

- Ena ke tema e kang kgutsufatso, mme e hlahisa maikutlo a akaretsang a motho ka seo a se lekolang.
- E ngolwa e hlahisa ntlhakemo ya mongodi.
- Ntlhakemo ya mongodi e lokela ho hlahisa mahlakore ka bobedi, tse ntle le tse mpe tsa seo a ngolang ka sona.
- Hangata e sebedisa dipolelo tse ho lekgathe lejwale, makgethi le mantswe a utullang puo ya maikutlo ka tshwanelo.
- Ntlhakemo e lokela ho tshehetswa ka mehlodi e tshephahalang.
- Pheletsong ho hlahiswa maikutlo a ahlolang.

Dikahare tse lebelletsweng e ka ba tsena tse latelang:

- mohlahlobuwa a ngole selelekela se sekgutshwanyane;
- a fane ka sehlooho sa buka;
- a fane ka lebitso la mongodi;
- a hlalose dikahare tsa buka ka tsela e utlisisehang e bileng e hlakile;
- a hlalose molaetsa/thuto eo a e ithutileng yona bukeng eo;
- Ha mohlahlobuwa a ngotse ka e nngwe ya dibuka tse balwang, tema e amohelwe mme a se fuwe kotlo.

[25]

MATSHWAO OHLE A KAROLO YA B (25 x 2):**MATSHWAO OHLE:****50****100**

RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

Makgetha a ho leknyetsa	Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
DIKAHARE, MORALO LE SEBOPEHO (Nehelano le mehopolo) Ho rala, ho hlophisa mehopolo. Kelohloko ya maikemisetso, baamohedi ba ditaba, le maemo MATSHWAO A 15	13–15 -Nehelano e babatsehang ya sehlooho e supang bokgoni bo ikgethang -Mehopolo e matla e butswitseng -Tsebo e batsi ya makgetha a mofuta ona wa tema -Nehelano ha e kgere e tsepame seholohong -Mehopolo le dikahare ke tse momahaneng, tse halositsweng ka botebo, mme dintilha di tshehetsa sehlooho -Sebopeho ke se loketseng se nang le diphoso tse mmalwa	10–12 -Nehelano e ntle haholo e bontshang tsebo e ntle ya makgetha a mofuta ona wa tema -Nehelano ha e kgere e tsepame seholohong -Mehopolo le dikahare ke tse momahaneng, tse halositsweng ka botebo, mme dintilha di tshehetsa sehlooho -Sebopeho ke se loketseng se nang le diphoso tse mmalwa	7–9 -Nehelano e lekaneng e bontshang tsebo ya makgetha a mofuta ona wa tema -Nehelano ha e a tsepama seholohong ka ho phethahala ho na le ho kgere ho itseng -Mehopolo le dikahare ha na le momahaneng amoheleheng -Ke dintilha tse itseng feela tse tshehetsang seholoho -Ka kakaretso sebopeho ke se loketseng empa se nang le diphoso tse itseng	4–6 -Nehelano ya motheo e bontshang tsebo ya makgetha a itseng feela a mofuta ona wa tema -Nehelano e na le tsepamo e itseng feela seholohong empa e a kgere -Mehopolo le dikahare ha se ka mehla di momahaneng -Seholoho se tshehetswa ke dintilha tse itseng feela -Sebopeho se foofa feela, mme se na le bohlotsa bo boholo	0–3 -Nehelano e totobatsa kgaello ya tsebo ya makgetha a mofuta ona wa tema -Moelelo o nyotobetswa ke ho kgere ho hoholo -Mehopolo le dikahare ha di na momahano -Ke dintilha tse mmalwa haholo tse tshehetsang seholoho -Ha ho na boiteko bo entsweng ho sebedisa sebopeho se nepahetseng
PUO, SETAELE LE HO HLAOLA DIPHOSO Sehalo, rejistara, setaele, maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya mantswa, matshwao a puo le mopeleto MATSHWAO A 10	9–10 -Sehalo, rejistara, setaele, le tlolontswe di loketse ka ho fetisisa maikemisetso, baamohedi ba ditaba le maemo -Tshebediso ya puo e nepahetse e bile e bopehile hantle -Nehelano ha e na diphoso	7–8 -Sehalo, rejistara, setaele, le tlolontswe di loketse ka ho fetisisa maikemisetso, baamohedi ba ditaba le maemo -Ka kakaretso tshebediso ya puo ke e nepahetseng e bileng e bopehile hantle -Tshebediso ya tlolontswe e ntle haholo -Nehelano boholo ha e na diphoso	5–6 -Sehalo, rejistara, setaele le tlolontswe di loketse maikemisetso, baamohedi ba ditaba le maemo -Nehelano e na le diphoso tse itseng tsa tshebediso ya puo -Tshebediso ya tlolontswe ke e lekaneng -Diphoso ha se tse nyotobetsang moevelo	3–4 -Sehalo, rejistara, setaele le tlolontswe ha di a lokela maikemisetso, baamohedi ba ditaba le maemo hantle -Tshebediso ya puo e fosahetse e bile e tletse diphoso tse ngata -Tshebediso e seng kae ya tlolontswe -Moelelo o nyotobetse haholo	0–2 -Sehalo, rejistara, setaele le tlolontswe ha di dumellane le maikemisetso, baamohedi ba ditaba le maemo -Nehelano e tletse diphoso e dubakane -Tlolontswe ha e dumellane le maemo -Moelelo o nyotobetse haholo
MATSHWAO	22–25	17–50	12–15	7–10	0–5

SENOTLOLO SA HO TSHWAYA:

Makgetha a Tekanyetso	Matshwao	Senotlolo
Dikahare, Moralo le Sebopaho	15	DMS. =
Puo, Setaele le Tokiso ya diphoso	10	PST =
Matshwao ohle	25	